

巢經集詩集卷第八

遵義 鄭 珍 子尹

古今詩共五十二首

游東山晤莫九韶 祥芝 去話寓中頃芷升自江

肘六十里省我亦至

已下戊申

雨餘歷山綠適我邛壑想杖策喬木顛
翛然獨成往干山靜雲日飛鳥入煙
莽孰與娛我游遐晞慨吾邨莫九
忽揖我語兒視昔長阿六復已來下
馬汗流顙學古豈負人喜爾音獲
賞庶令許鄭學南中動欣嚮 芷升方以說文為丁
虛園學 使所識 小住我當還課邨
爾能曠明其豫櫻笠道院從

一訪

題北海亭圖 并序

北海亭在定興縣東南三十里西江邨明庶侍御
久徵構以為其孫忠節公伯順讀書地也伯順事
跡具理學宗傳明儒學校洎明史其父正字成字
海內稱庶太公為范陽三烈士之一亭當江邨草
堂之後知止居之東園菲塗聖擺插為垣前一柳
樹旁皆種蔬兩行灌木無欲齋詩所稱東園即在
是萬歷己未伯順以爭金花銀移疾歸里明年魏
忠節公來訪之適孫徵君鍾元亦至同館亭中唱

和歡極相與如容城拜楊忠愍祠賦詩而去天啟
乙丑魏璫羅織魏忠節及左忠毅公聖熊烈愍賊
下詔獄左之弟光明魏之子學泚等潛行偵視莫
敢舍者時伯順在榆關參孫文忠公軍事太公與
孫徵君謀館諸子弟於亭遣徵君兄奇遇偕伯順
門人張于度果中變姓名入京職館橐攜徵君弟
奇彥與其孫石卿化麟馳書出關求文忠援而設
匭置表於門招鄉人輸金應比太公日騎驢冒暑
走驪數百里內助者響應而左魏已拷死明年周
忠介公復以賊逮其友朱完天祖文護行先馳至

江邨館於亭者三月時伯順辭武選方里居與徵君輸三百金四醵為完贓計范文貞公時謝政令完天持書往文貞亦輸二百金齎至忠介亦斃杖孫文忠之解兵柄媚璫者借茅止生元儀傾之矯旨削籍幾不免刀鋸止生客亭中前後三載以數年來此為嵩融之僻天下皆仰北海風因顏曰北海亭且為之記崇禎丙子伯順殉城石卿伏闕頌父忠不勝喪死徵君為集石卿詩文於亭內遂名北海亭集同邑范一泉孫箕生士楫石卿子盡心妻父也故師友伯順順治戊戌屬天津戴司農道

默明說為圖謂當稱乾坤北海亭係七古一篇極
悲壯司農肇窠分書五字於首圖橫紙卷全用米
法中無一人向藏鹿氏後失去伯順七世孫丕宗
復獲之容城孫家道光戊申守都勻余過其署出
觀之以亭之掌故傳記錯見乃括為序復志以詩

六月廿七日

黃芝萎地茄花明十狗五彪恣縱橫地轟天鳴覆乾清
北海亭子乃孤撐亭中老翁一諸生舉手欲障斗內星
惜哉當日事不成正氣耿耿留元精吾觀史家已吞聲
此圖復出二百載頽洞千秋思古情蟒山壓筵蒼鬱蔥

展圖慘澹來悲風江光黯黯雲冥濛若有人兮煙樹叢
倏忽置身畫圖裏眼底盡是人中龍舉幡慷慨孫夏峰
赤憤從之張果中策蹇掀髯去匆匆釀金無乃鹿太公
團瓢淡墨小鐙籠破柱複壁難為容完天朱老俠膽雄
吳橋歸卧胸隆隆秘獄此時走尸蟲傷心投匭仍未終
後來者誰茅止翁此老十萬兵羅胸婆娑柳下杖癢紅
戟指尙自談遼東太常堂堂儒者宗晚學農圃悲天夢
矯首似望孫文忠歷歷斯人肝肺同一重一掩吾安從
大叫乃止一畝宮吾知畫師非俗工直以浩氣還太空
吁嗟陽球不作司隸死清流故讓此曹子朱家魯褒徒

為耳獨此炯炯差足恃長歎英賢皆已矣捲去斯亭擲
盃起白虹正貫芴溝水

書鹿乾嶽先生文評尾暨孫鍾元先生跋卷後
評為乾嶽門人孫紫淵輯原一冊今止餘六條
跋時鍾元年八十九稱紫淵為從父兄考乾嶽
著錄弟子容城諸孫自君式兄弟外惟紹古字
獲甫一人紫淵殆是歟尙長徵君求跋時年亦
九十上下也

威鳳備全德匪以五色名一毛落人間孔翠已無精惟
此兩夫子於道躋朱程心畫偶然事浩氣流光晶當年

身系身言生之卷一

江邨上諸孫聽觥觥乾嶽以崇禎三年九月歸里門人

立雅君建量雅君咸維雅君持奏雅君協尊聞綴百衲

抱雅君實望雅君孚借伯叔從學江邨此人已專誠老去嘯臺翁淚為故人傾百泉對搖筆道

眼驚猶明虛堂山根靜橘影雨餘清邈與古香接况近

皋比橫無緣作都養終以翳我情

雨花巖觀明張忠簡公草書仁智之性動靜之

理栢此盤谷飲此泉水摩厓

暇訪彈奸手遙懷荷殺年智仁無擇地南北本同天瓜

蔓荒盤谷秔香接古泉為公翻一笑謫成是神仙都勻

忠簡為仙謂此為爪書仙跡龍江寺尚留斬蟒刀云

書明孫文正公五律四首墨蹟後

高陽諸葛流策進先善守崇禎五十相誰歟出其右如
何松濤亭閒此活國手歿觀送日月浩歎付詩酒回首
山海東心盡百八叩邈左等閒弄神京究何有昏昏一
世人猶吠隨拍嗾莊烈固英主補牢未爲後豈真四城
復斯人遽衰朽終要寧遠關何惜祖大壽擎天竟聽去
明社焉不覆流傳翰墨綠虹光照虛牖舊聞鬚如戟謂
當平原肘繞拍一何柔始歎包孕富

積雨病起四絕句

僂僂近月不出堂數日不可更禁當

杜符離寓公果勝

我晨出暮歸還發狂

一病眼前無六親蕭三培於我顏色真雲歸華頂樓橫

海記爾文登閣下人

蕭談海市
華山甚壯

童子什佰無能軍黃茅白草何紛紛郡方陳尚吳頓

覺風流盡何處清淵尋舊聞勻人潘士安

郭西水北多可盤有弟不從江肘還縱子能來苦風雨

開窗日日愁笄山

四橋堂歌 并序

貴州之橋以都勻產為最而郡署內堂後者又最
都勻樹凡四實小於外邊味絕甘且無核獨左上

一株較高大而蛙亦特甚向之諛者以貢大吏沿
為規近不給貢包皆買於外冒之矣舊有堂三間
兩廂翼之檣羅於庭久頽穢不治簡堂庶公守勻
之三年戊申五月始葺之前膺蟒山後戴東岫回
關洞疏唐壁四達長日人罕涼陰轉階雅宜度夏
余適以六月下榻其中圖書森森多有所獲及今
月餘顧橋子如牛乳矣皆云已三歲不予今年特
盛因以四橋顏斯堂復留長句

庶公孝子忠臣孫葺堂在署如在邨風清日靜無喧塵
掃地若鏡辟若銀鄭子歷落欽崎人堂成來作堂上賓

東頭安硯西安樽終日無人來叩門獨與四橘同朝昏
一住一月不出闔主人喜我樂此堂舉盃相屬詹其閒
音清夜起舞庭中央橘兮澆汝各一觥汝不遇鹿公拉
雜成枯僵連山有乳石有網慎勿多子多則殃世閒值
錢是官囊一文誰肯為鳩方整廢故破百金裝世事盡
如斯甯有孔與瘡公平可師當一觴吾能不懷三宿桑
與君同醉秋月光人閒何處不徜徉一賓一主四橘麥
樂哉斯堂問誰有公曰居者我曰否十年幾客幾太守
橘花橘實故依舊然則堂非橘有而何哉請為醉歌告
將來老守作人詢可懷樹不可使之拜屋亦不可使之

灰若憶老夫開堂四十日集豈不註無欲齋李文貞公
詩鈔題事非注不盡曉余以暇
日探諸乘史傳注得十九云

過高真觀

舊聞福泉山不踏福泉路繞郭梅昔經造幽始茲度古
觀聞聲響雨餘眾秀赴澹澹花上雲霏霏枝間霧一阜
故不高石林鬱盤互生眼滿巖壑世關引余慕遐睎古
仙人養真茲焉遇邈邈剩遺像茅龍去何處靜撫老木
樨千歲不著土池水上生肥養爾無根樹持是百年身
勞勞究何去蒼山迴夕陽嗒然得吾素

同年甕安趙禹門

本教

家城中外逆旅也歸而

復宿始知之因屬拾寄同年楊同亭懷清遺稿

同亭蓋其師

十齡遠隔同年面一宿誰言君子堂已倦欲眠驚問主
相逢翻倒促移牀兒供使令知家法母到期頤想樂方
老我何曾因好讀感君餘慶意蒼涼禹門口占贈句云
人因好讀老家為

買書
貧

當年拔萃記同亭七十人中詩最能獨立黔山矜句法

同亭論詩
律甚嚴幾從燕市話秋鐙明經作謚嗟何促肖子承

家喜不勝為理燒存待粗勘及余疏殖未全芳

蒲翁行井序

翁蒲氏名國相遵義縣人年百十一歲少聘三妻
皆將娶死家人常譙之年十八乃潛遠去至騰越
佃人地耕凡八十五年厯厯無一錢蓄騰越長官
旌之頂帶意頗榮遂歸視其家則兄弟之孫皆破
檐下老人也居二年聞賀撫軍設養老院走赴省
過甕安數十里矣州孝廉趙本敖聞之追謂翁願
終身養今在趙已七年道光戊申八月余歸自都
勻見之因為一詩紀壽人云

一百七歲羅侍中築城已賜號羅公何況蒲翁還過四
九州人壽更誰同看翁鬚眉未全白愛翁餅肉猶能食

身系身言不
世閒真有不死人請道平生為翁墨翁言惡命惡難似
少年三娶婚前死耻看媒妁避凶夫憤舍爺孃走金齒
橄欖坡前晝牧牛蘭蒼江上夜歸糴到時田主方黃口
轉刻渠孫已白頭州官異我年逾百冠帶加身人共識
暮年忽動首耶心過所全資官長帛遶東一鶴遂來歸
滿眼何人識令威記得舊栽三五樹認來皆大十餘圍
諸孫食力窮堪憫衰骨累渠誠未忍養老遙聞撫使賢
就餐思送殘年盡畱我偏逢趙孝廉苦收老物為誰甜
晨羞夕膳知難報駢背雞胡總不嫌似我何堪稱上壽
雞公山寺君知否曾見吳王帳下兵今持古佛鐙邊帚

太息男兒空落地命醜陰王應不記毫無一善儘虛生
再活千年何足貴我敬蒲翁大希有又歎趙子何忠厚
此事能懲奪畚風此翁當聖虞庠首 聖主優年過漢
文如翁豈合尚依人若教縣道將名上月賜何論肉廿
斤

菊花二首

米樓西畔草堂東霜曉寒英照眼豐
看向殘援欵根外
憶經雷影雹聲中
歲二月廿八雨雹大如雞
子花皆傷餘之藥而轉盛
物微亦自
生憂患命爾何緣免鞠窮
見埤雅
芳蝶依依賴相保未應

獨立歎涼風

白白黃黃繞墓門
舊時花事憶堯邨
寒泉一盞嗟徒薦
細柄雙鉏感尚存
老圃最宜銷歲月
破籬容易到兒孫
絃歌資徑真何意
暗覺陶公老志昏

山亭聯句

己下己酉

雷餘續蜂鬪雨去送蟬唱

鄭珍

殘紅拂階明老翠亞檐

宕

莫庭芝

修炎鬱陰霾頃霽開遠曠

莫祥芝

端軫憂以

紆合并素一暢

鄭知同

危亭便箕踞草具雜盆盎

鄭煎

菽脆摻卵晶茶鹹比醬

庭芝

刻物鑿情竅延景啟目障

祥芝

平林雜花妝遠岫濕煙葵

知同

舞庭雀若巫錢地

蚓逾匠

珍

鴨煩苗色勞蠶了柘氣王

庭芝

行蟻昇蟲饑

驕魚玩鼈將祥芝攫天相心豪升木瓜膽壯知同婢自

石角出孺綠葉縫上珍長謠詠石帚抱膝思葛亮庭芝

共晚松是因擇交竹堪傍祥芝暮霞干錦舒新月一弓

鞞知同酒腸我有限詩肚君無當庭芝篇成付阿買尙

似昌谷樣珍

書俞秋農先生墨竹四首

寒枝玉立勁無頗梁棟非材老碩邁笑與兒童辦笞具

此君功亦似蕭何

一兩三竿謹護持苦心惟有老翁知君看鄰舍成陰日

已是家人食筍時

屋角風來竹有聲
哀音誰念鳳雛鳴
王戎墓下居人滿
共爾荒阡過一生

香海棠巢畫竹枝
郭張城外泣將離
豈知風雪回頭處

即是鸞摧玉折時
黔西州署內海棠一株獨香堂因以名丁未十月余過水西留堂中一月

去先生送至城東淚潄潄不已明年六月卒於貴陽及知而樞下洪水矣先生遂於經史詩古文清雄快逸為

諸生三十年始成進士令黔中擢知獨山著有聽秋聲館詩文集及北征詩鈔

八月貴陽寄新化鄒叔績漢勛興義四首

萬嶺千巖繞夜郎
側身南望涕霑裳
論才海內今無幾
覓食盤中事可傷
天入都夢江影黑
地連响町瘴雲黃
山川苦著鉏荒手
賴有圖經補道將

孤兒已分老瀧阡亦擬偷閒理舊編俯伏季陵甘作蛄
伊憂元叔不如錢頗思公稭資三徑却笑翳桑宦幾年
羨爾酣歌拓金戟不應羞殺廣文虔

似聞說友臨安志季緒年來肆乙塗誰遣不書驢市券
故應難語馬坊奴秋風筆挾南盤壯落日心懸首望孤
歲歲說歸歸未得黃金虛化可長吁

叔績纂貴陽志稿
百餘卷體例詳正

攷據精博未及刊板而去有
嫌繁奧而刪裁者可惜也

早晚吾歸子午山知君亦擬暮秋還定難枉轡經巢外
那即權庖大道邊著述太勤甯止病田廬差足且粗閒
相思不賴魚西上此後何由慰苦顏

柏容將以鄉試了往權石阡教授余明日歸志
別二首

短燭三條後千山黃葉時疏風詞客影孤僕冷官儀月
石宜秋霽雲巖待好詩請鄰逢祭竈應及菊花期

萬事不當意止思長閉門無聊強低首且忍復何言歸
路關河冷空山歲月奔明年此時節應共話松根

贈老友趙芝園商齡芷庭錫齡兄弟並示壻廷

璜二首

芝園終歲樂在漁亦要芷庭能教書束竿放學攜手去
笑斫芥薑同煮魚

北山先生筆峰居望衡不遠二里餘卒便休矜邴根矩

苦學清修只看渠

北山先生李先立字卓庵李文貞公

弟子真知實踐卓然純儒為

國朝

導義開科進士以文選司
主事告歸設教筆峰山下
胡子何來山中喜賦此

子家沅水東我家延水西相望越千里會合理難諧俗
情一朝貴身手更自奇父母近在堂定省猶難之何況
我與子而必噬肯來揆勢又不能那得僮僕資貧士名
一官債臺已齊肩雖有存我言不踐誰復訾古道竟未
亾突兀子在斯當子至午山我方行省羈冷官賤於毛
為貧安得辭欲買官長罵先輸因鬼貲讀書悔何益聖

令骨變蘄有來聞說子喜劇翻自悲歷歷數來路我皆
過而知陸穿盜賊叢舟行灘若雷渡延脫諸恐道僻徑
又微王口自別去收第子摘鬚一年上賢書二年登禮
闈東吳財賦地民社 命子治世人熱中腸得此兩足
飛金銀夢布地誰肯去若遺子乃請歸假不顧人笑癡
依依慈母前兩年燮舖糜我何有於子顧又甘艱危子
誠有所得媿我趣日卑恨不即子見輾轉惻中懷遲月
始及家子又郡我後中秋適明日遣力招來借報言有
相挽翌當還我齋昔子之先公卒官校官師大鳥有回
翔稽畱固其宜黃昏松厓上溪口望漸迷冥冥出人語

謂是至乃非入門點鐙聖月黑靜掩扉犬吠兒走言子
已及我幾相看劇翻倒拜揖不及持依然舊書生不似
官長姿傷哉別四年顧我成孤兒欲語非一端且飽山
中鮓援筆對草具遂作志喜詩

爲宦子蕃

必晉

作山水因題

夜得十萬金朝買千朶山中有古道士招我住其閒好
花悅老眼美人慰衰顏賈許近東邨邵程鄰西灣作兒
不知孤作夫不知鱖物豐備九州時和絕三班相逢各
歡喜對壘無狙姦常持一壺酒靜與孤雲閒君來若我
出有息應柴關松前浣風待月明當棹還

書子何藏明周東邨臣竹林七賢圖卷後

郭鄰老囚穢葬螽壽張侯亦位向東龍頭割席來授宮
何物腋臭參仙宗易婦教人作田翁瀛洲乃有高陽公
持壽鑽核賣絹傭稱賢正爾嵇阮同異哉世論缶雜鍾
畫師止詡衣褶工太常五君見未融隲品何論塞與通
選郎故自冰雪胸何人濡筆抹阿戎莫使浣我林下風

月下對菊示子何

天公愛菊同幽人夜遣明月來寫真秋魂盡入影中去
澹澹花枝空有痕半山亭子聖來久衣袂漸冷胸中溫
花氣增濃月益白枝枝插在玻璃盆溪露微光上蛛網

暗蛩細響吟籬根涼風疏疏度不盡時見水面魚吹紋
乾坤清氣盡兩候不在深夜即在晨昏昏世中聲色窟
那得一刻能鮮新君思此時富貴兒多少羶葷聚飛蚊
香衾醉眼待蘇醒已是白日堆紅塵百歲何由見此景
老死不知清淨因我今無愁亦無樂默默飽受花月薰
意懶不須爪爬背四山岑寂同忘言

臘月廿二日遣子俞季弟之綦江吹角埧取漢
盧豐碑石歌以送之

洪斐著錄漢碑二百七十六至今三十九在餘俱亾其
中陰側匪別刻實止廿八之石畱滄桑後雖新增三十

種已少斐錄四倍強我生嗜此屢長喟塵存增愛等餽

羊巢中諸拓購略具宜禾特溢翁方與王尉李君碑自

來金石前年怪事燕不得似有鬼守黃竹箱余以先妣

家不著滿盛古搨蓋置鏡錢紙數堆辛丑六月見老知百榮不

紙皆成灰蓋亦半燼而中藏無一焦者落手時時緡訂同炎涼猶嫌拓本非手跡安得貞翠即

置旁黔中且無宋人刻况願上此知難償故人趙子旭

鼎山下好事成癖人爭狂一朝有得過詫我漢刻近出

綦南鄉我思綦江漢江州此刻界在牂柯疆斐說江州

邑長盧豐碑蜀人謂之漢夜郎以官以地並近似或即

盧碑縈我腸又思於宋是為南平軍南平吹角兩刻紀

自王東陽此刻正在吹角埧地闕四代名猶彰疑卽所

稱古摩厓聞其在穴又疑更是伯約姜

漢隸字原碑目江州夸邑長盧

豐碑建安七年立蜀人謂之漢夜郎碑輿地紀勝南平軍下吹角埧有古摩厓風雨股削苔蘚侵蝕惟識建安二字他不可辨在溱州堡去軍四十里又姜維碑在吹角埧其始有一穴埧內有碑相傳以爲姜維碑今已磨滅料量三者必居一遣力椎取觀其詳泐甚揚麤末從

讀建安七年明首行次行盧字又可辨謂必盧碑他莫當碑所土人號摩厓細詢實異鄙與楊百丈溪硿石排善端妥斗狀陳中央廣修高等尺六寸更有乳中前後方因知俗以嵌巖作鐫辟其誤想不後李唐後來嵌墻便穴置見者道者增張皇南陽天水蜀所艷附會舊碣

多乞光建安或作建興認變本益遠傳益荒圖經信耳
不經目兩聞兩載原其常儀父斲未見搨本沿襲趙志
何由匡今碑首十一字極明紀勝云惟識建我定三碑
安二字知所據是趙彥邁南平志也
實此一石耳但爲僻遠成參商王得其地妻得人兩家
相較無短長委閱夸邨世莫識時有野衲來焚香數年
敲火已剗角不即收拾愁毀傷定武石易僻道祖熹平
經攜龍圖張子雲俗楷一蕭字尙有竭產誇珍藏况茲
隸古又完物蠻貊豈足傳芬芳密呼健者受約束夜半
移壑志已剛昇竿三易乃三折千里往復徒贏糧未應
神物戀窮竇信坐人謀先不臧季也挺身願重往選夫

繕具籌策良是時風雪逼改歲滿邨門易甲冑裝誓為
古人效鞭策肯逐兒女爭桃湯觀汝此行有膽氣知取
寶刻如探囊婁關西去接安穩回首當年皆戰場此行
亦復用兵似貴速貴詐毋周章羶包席裹計還路歲盡
應呼蒙渡航人日前後上梅岵聽爾邪邪許許趨山堂

子午山雜詠十八首

井序

山在縣東七十里樂安江東岸高三十步左右臂
若抱然珍旣墓先妣於山之心後七年丁未復墓
先考於妣右却北遂卽墓廬家焉凡晨夕所游止
當左腕之曲為堂其別為巢為軒榮已上皆園南

陟得廣穹之邛平去得亭堂後小巒巒背巖巖下
溪右之腕為圓平小邛其南與堂直為岡迤而東
若側掌襠心為配配背得厓麓得泉亭曲下得樓
兩際實山乃如環環中為湖湖有島溪則自巖而
厓而堰南始出外環而入於樂安江也

望山堂

屋上能看冢堂邊不築牆此生無去理開戶對西鄉

巢經巢

遺經巢空虛三傳束高閣我師珍重心未敢效空鑿

烏相軒

此樹此堂得因之顏色幽慈烏憐柏子不啄墓燈油

紫竹亭

石林裏曲徑上下綠苔濕啾啾無母雛飢守竹根泣

米樓

丹陽墓黃鶴中散亦斯邛落落同心跡神傷海岱樓

團湖

彭蠡水無僻洞庭波似山引妻乘小艇終日團湖閒

怪島

曲虬三續約怪石半因基老父不稍待空言垂釣宜

桐岡

明月上岡頭綠墮一湖影來往不逢人露下衣裳冷

梅妃

當墓橫修眉種梅密無路一株常默對是母搭衣樹

松厓

曠望臨高厓溪塍繞其下落景射松根水光紅灑灑

沈泉

澄甘落山麓下汲苦朝暮每惜宅甚佳乃無出水處

果園

山妻識方法栽接羅高卑小女時偷果持竿葉底窺

柏巖

漸絕後園後柏陰亞溪凜時見釣魚人卧暑笠作枕

東邛

蒼莽數百里斯邛環望閒雲飛內江水月照不狼山

西邛

東邛倦登覽西邛復游適白鳥去煙邨遙遙望成碧

藻米溪

溪翁相識盡遇餉即牽畱下來還上去得得復悠悠

堰南

半陂林影深一徑稻風晚杖策每忘疲因之弟家飯

溪尾

疏籬曬春網流水影修竹欲問子午山溪頭溪幾曲

巢經巢詩集卷第九

遵義 鄭 珍 子尹

古今詩共四十三首

正月十四日作三絕句即書子何所攜明周服
卿之冕 梅花卷後時子何將行矣 巳下庚戌

嫩寒輕雨靜山樊照屺梅花作上元盡日池頭篆謙卦
萬枝臨水閉柴門

寒山香火已蕭蕭卿子芝槃亦宋寥醉撚疏枝成獨笑
丙人生日是今朝

疏影詞成去范邨小紅低唱不堪聞明朝驛路相思處

回首梅花是白雲

十六日送子何歸覲

昨日欲語且復休萬言千緒在心頭今日臨分一盃酒
相看片語俱無有男兒有事可奈何曉寒送子山之阿
看我霜鬢不更黑何年此地還經過住亦不復念去亦
不復悲今朝梅妃下明日眉江濤萬花生時錦翻海想
汝登堂拜母慈吁嗟乎子何此福豈我得抱子攜妻奉
朝夕一日千金不得易贈子斯言作離別他日相逢意
無極

安貴榮鐵鐘行并序

鐘在黔西州東門外觀音閣口徑六尺上欵貴州
等處承宣布政使司土官右參政安貴榮正德庚
午冬長至節後三日造又勒宣慰使安萬鍾國子
生易紹把事二氣脉三白麼一裸所三董督者老
一頭目四時貴榮已老以子萬鍾襲鐘蓋其所鑄
把事等皆酋銜氣脉白麼裸所即夸志之器脉貌
拔備所爲安氏九捨之三九捨者安氏官級也明
史土官傳有卜麻當即白麼宋史蠻夸傳有都老
當即者老夸語無專字蓋皆隨聲書之易紹或書
人也置閣中首尾不可知州拔貢張琚始訪得言

於人人乃重為古製余以安氏守土千里歷千餘年宜不尠蠻故以無文一切昧習似茲亦可觀也

故為賦之

郭張郭東大士居明安陸侯吳復於洪武十五年領贛州等衛官軍就水西地名郭張築城

有碑記有巨鐵鐘懸屋隅旋蟲齧朽篆帶缺空腹黯黤

巢蜘蛛舞修鼓廣各意創尺度不中冬官鳧入門粗睹

遽舍去黃木古蔭眠團蒲閣中有大黃楊五六百年物故人呼起視

欵識落塵著手先咄吁正德庚午貴榮造布政參政華

酋渠盧廡雄部越千載漢官可假地可除同時播熾亦

按察二豪螺贏甯非愚此家王會自佩露西南歧躋資

暖姝保大決非偶然事將軍龍虎三珠符閩州女兒更
智武隆準笑為殺妾奴繡衣歸來報天子羊腸九驛通
犍朱耳孫不念香靄意羶衫疊塞思狂圖亟餽雖勤地
主禮攻心已媿陽明書罵衣夜所聖睚恣安氏地有十
有四十八部又其下有百紅邊煽斲連陳湖壞人家國
二十罵衣千二百夜所內亦爛香爐西堡徒區區後日三方燼八道誰實禍本
茲芟芋鑄此暮氣亦應悔欲假佛力醒昏衢豈知鐘鳴
漏已盡阿子頃墮紅鬪髀煎金當年正不苟揀選董督
煩精夫楊家銅鐘此其儼剛宏治中楊慶鑄天峯寺銅
鐘今在遵義城中彼銘可讀茲則無潛溪秀水表南
玉皇觀並有序銘

雅英昂以外同闕如

元楊漢英有桃溪集四十卷見宋濂撰楊氏家傳明貴州宣慰宋昂

兄弟有聯芳類稿朱竹垞稱可姬風雅

固知羅鬼世任昧但視此字何其

麤細觀名稱等從主雖陋亦足補史疏裸所豈即麻葉

類氣脉或似宗親徒卜麻白麼定聲近者老都老甯形

誣搜奇剔異本我素撫物感事增欬歔蠻夸大長古侯

服何異周代觀彭吾遺跡掃盡此鐘在鼎之崇貫鼓密

須三百餘年亦已壽或有鬼物持藥于客游為爾啟荒

闕藉示後至償詩逋

贈甕安傅確園

汝懷

明經時為黔西主講

鳴篴度渭水客子意不放遠望披瓊天

諺云烏撒天如披瓊

山川

鬱孤愴十柏增感舊

吳蘭雪先生刺州日於東山建王陽明祠前三年俞秋農先生始以

陽明生日率州人舉祀事燕於十柏山房余時曾觀禮

解后忽神王讀書真有得

生色睟而盎四顧水西山頓覺此席壯當年竹莊公名公

玉書以孝廉終安福令著竹莊詩集卓成一家輯貴州耆舊詩名黔風錄晁采照十兩老鶴

見雞羣龍章想姿狀風花湧寒食幾日陪履杖菊苗罄

新製筍菹倒陳餉再畱我何惜未肯速官謫承乏復幾

時歸途待重訪

至大定受威寧學正事三日實任者至將還贈

同年杜杏園 芳壇 學博

強記君真未易才木窩談賞與方開藉盤一笑非容易

昨日應官明日回

於堰南獲早稻

老去無世用所懷在耕田薄田不滿力亦復事終年壤
瘠缺糞草一飯貪之天入秋喜先熟似得田公憐敢歎
所獲微及我室如懸兒癡早得力勝彼遲者賢柏林帶
脩澗不覺寒氣先晨興命儔侶日昃空雲連殘陽明豆
籬墟塢上晚煙悠然見雲水已有雙鷺拳長歌返茅屋
我穡又此圓人事難盡計庶以飽目前

秋雨歎

獲者秉爛紛縱橫未獲者倒如席平綿綿雨勢來未已

但望稍住不望晴晚來月見星照濕走呼鄰助約晨集
及朝雨隨人下田老農止抱破蓑泣

盆花詩四首

并序

先子雅泉居士性不屑問家人生產然渴於活人
所方脈無一失而亦耻受賞也課子孫之餘喜釣
飲蒔花樹在時多有盆植今秋出荒蕨與剪剔並
具奇致然得四盆而已敬是先人之遺各紀十韻

紫薇

潛虬欲騰空盤屈弄角牙矯首吐綠雲散為玉堂花何
年於何所得此老拙槎倒植未必然是倒栽者根分

信奇則君看巧蟠結人力能爾邪墓前十丈錦出盆氣
何多茲非尺土錮詎減燒空霞吾甯屈其盛伸我念所
加正恐面目改與人作光華沃根幸勿忘古貌眞足誇

海榴

海榴世所稀此語聞太白況出先人手而能不之惜古
榦旣鬱錯細枝復稠碧悔我當年時著入聲書性成癖盆
植朝暮連嬾看肯佐役此實細且酸其花艷如血掉頭
益無取花實每戲摘老人但心惜怒視不忍責兒童戒
觸犯及今若拱壁一撫一泣然嗟嗟復何益

徽榭

腸觸念淚盈目衰門似枯山生鐵不生玉迴天苦翁媪
遷地厚培沃看成三家邨已類族生竹窠雖有雄雌樹
果異酸熟但要多為貴會有一能讀艱哉歎獨子老矣
無餘鵬喜此應出羣試啼待歸卜笑語牧稚兒蘇詩大
兒牧眾
稚
奇駒恐難督

十一月廿三攜兒子游鐵溪至石厂

欲作鐵溪游先詢鐵山路沿江踏鐵關鑿徑才可步里

餘入溪口石燕沙久錮

溪會有石燕故老
言出沙兆郡科甲

層厓窳排抄

空翠莽迴互竹被鷹背泉苔昏虎揩樹溪流曲而清確
磴乘閒厓隈處輒作潭時懸雨三鮒會心每稍畱貪勝

却還去遂至石厂下仰視森可怖壁色慘丹綠上削下
呀呿道旁來去人忽疑鬼神度天寒念兒子小酌與停
屢緬昔翠渠翁觴詠此焉屢寥閭四百年何人嗣厥趣
山光與水色刮眼未更故雖無鵝黃甕一酌寄遐慕明宏
治中郡守周梁石瑛嘗游燕賦詩於此有云水色山光
滿酒盃鵝黃小甕更須開日頭欲下吾將去詩句未成
君莫催

與兒子登雲中山取閒出絕頂由石屏山後入
城態四官殿周覽而歸

嶰嶰雲中山佛地不容咫置龕大於巢半向空際倚搏
羊角而上青壁帖橙几兩月聞鬧中市驚吾厭矣扶闌

窄孤樹雲風生衣履此路朝玉闕不知更幾里老僧番
禹人知我興未已告我陟此顛有徑達城背入自其北
門絕陘著樓寺公去縱橫觀千里入顧指右看滇南頭
左盡楚北尾蒼茫俛羣山浩浩海波起中浴垂天鵬雌
雄互摩翅軒然忽撲落兩味飲一水盤踞府衛城東西
相角倚煙火五萬家下聽裊蠅蚋帆檣去落葉沒入煙
翠際青青平冒園營馬散若蟻回首文德關行人縫綠
蟻黔荆此咽喉阨壯真莫比茲處盡形勝去足令公喜
縋巖抵學官足健亭午耳我緣利東南見險每不止遽
起躡蛇脊危滑倏增悸是豈生人塗一墮不成鬼改道

跋山胛叢步略可恃蓋上蓋下難有進無退理教兒歷
險法目要戒旁視當前但踏實何適非平地兒能從我
來頂或觸吾趾移時失嶮巖未計高有幾居然數茅屋
蔬果放雞豕入郭縱憑覽僧言果不詭詫觀兩黃荆合
抱亞厓觜若材最難長其巨乃似爾應見楸船時豪乎
萬兵橫寒飈攪襟裳頽陽已西靡歸舍聖恍然歷思如
夢裏

兩洞詩 并序

鎮遠府城東門闕接大橋橋東基厓僻緣厓南逆
漚而東出為趨湖南驛路下則舟之去沅晃偏橋

者篙纜所必經厓之上平而廣俗稱東倉坪元之
總管府實址於是厓三面瀕江巉削千仞當橋之
南曰南洞北曰北洞其閒亭閣寺刹即緣隆窾歛
嵌焉生自江岸視之皆若黏壁若懸空然非數日
躬歷莫能盡其奇也余來此承府訓乏一朝得之
遂常往來又出門卽小渡便截江造其麓與市喧
避尤於性宜獨怪踞城近當水陸孔道而無一人
昌其靈孕者蓋雅流名公卿經由郡下率信宿輒
卒卒舟輿去自無由識其勝官茲者例拘束宦態
而此又無用宦態之路則亦不得而識不暇與不

自強皆失之以故能游者乃余獨也因作兩詩詒諸好事俗名南洞太和北中元迂鄙無當今仍舊稱云

北洞

北洞雖名洞迥與洞不同入穴出自穴已非意想通謂是不知處乃即東橋東臨江蹲墓頤吐吸白玉虹行人渡虹背擾擾如蠛蠓屢轉入蜂房又當穴正中小口嵌玻璃照見千樁蓬天匠妙布置似窮正未窮一線上雲霄闕楯非人工是樹瘦屈盤是石蒼玲瓏如緣古梅椿凸凹穿蘚封絕叫出青壁浩浩乘積風神仙好居處倒

垂綠芙蓉面面開，戶牖剔透凌煙空。下視古舞州，秀若
辟挂弓。欲攜馳走兒，此豁星斗胸。竟無一聞者，偕余足
音。躔憑高發，溪喟永懷雲谷翁。

剛嘉靖中郡守黃希
英祀朱子洞中今廢

南洞

南洞更奇極，壁立千丈厓。誰將顧陸畫，挂向蒼江隈。巘
巘丹翠閒，錯落金銀臺。石扇敞雲頂，畫檐飛鬼鬼。路緣
屋脊上，僧出蜂孔陪。高空來鬼神，中天風雨迴。憑闌望
晴霄，天門如可階。安知已巉絕，異境中巖開。五步一小
峰，峰峰瘦皴排。石林夾幽徑，綠蕪掌大苔。沉沉靜白日，
花溪無鳥啣。渾忘在壁上，竹影搖尊罍。聖疑西南徼，茲

勝何由胎帝應憐黔山鬢花而髻黽為割海上奇一令
耳目恢有力夜負至左股失蓬萊孰云過者過觀者返
自涯長嘯語山靈孤詣自古來

登香爐巖巖臨江鴻上殺下面圓匾徑略逾丈
絕肖其名明郭子章書泝流光三字於上今未
見

午雨不濕路欲游足先肯醉兀濟江舟遂造香爐頂何
年玉皇按擲下鎮蠻境江流不敢肆曲媚博山影燼灰
化為土鬆泛飶而淨試嘗菘菘根定帶香氣永街民種
蔬其上
邦人不解貴終歲莫一省乞兒煮其腹薰黑似古鼎我

來訪青螺筆跡漫荒梗勲名與金石豈若快游騁獨立
感蒼茫儒官真自幸

游東倉坪

今之東倉坪元之總管衙圖經止識元帥府莫究其號
何由加學官百不知脚力獨可誇冬晴將子步其上坪
廣乃可千百家三面臨懸厓濼水千仞齧厥涯後距熊
豹紛騰抓石僻天排生鐵笆當年此人有巨眼於此建
帳施高牙南北水陸當三叉賊來一蹴成泥沙門前劍
戟立天外想見日夕雄饒笳五百年來蕩無跡突者鬼
宅低則畚農壇社墟棘鍼繞歲時官吏祈籥車我持酒

一盃憑弔一歎嗟下視來去舟聯聯尾銜鴉太平此地亦安用策杖荒徑尋梅花

臘月朔過甘忠果公祠祠經戊戌夏水圯

何處訪甘祠吉祥寺之右晚飯度浮梁址得失前構倚岸空臺階賈舶所泊湊地穢庭蔬肥堂濕鐘蘚秀數椽蓋木主日與守諸核歲既無過問誰復陳俎豆悵望水轉餘波臣固傷厚碧血激不去早滲山骨透精入千歲柏慘澹撐宇宙神靈黯江光寒日外懷疲勁節憶當年淚落不能收正氣無死生忠魂要植宿淫祠照城郭此得任荒覆好懿本民彝一字豈難又誰歎勸邦士豈弟

神所富

游南洞

閉門苦守三日雪雪乾游心上漸絕天生兩洞為先生
渡艇當門尤巧設世惟富貴天不知此意難與俗人說
凍僧知我扣巖扁援手笑迎還自閉天寒如此公肯來
枇杷幾枝正清發我為一石飲一盃又為一峰留一歇
笑拍斯巖今我家在官止當出行乞不能五日當一歸
為余莫掃石上髮

書遣知同以十七日歸五首

學官既閒暇飽食可以嬉如何凭書按釋去輒若悲大

身系身言全之卷一
三
抵近來意出山總不宜眾人似我年不肯鬚出頤而我
過半白豈非氣血衰學禪舊關佛學仙今已遲惟思老
墓下稍稍足舖糜閒理禮堂業舉十五略知乃爾不能
得遠役漚水湄低顏市長下苦俟升斗資不賴古人書
其又奚以為

自我來鎮遠不撤惟菽乳佐之菘波陵菘兒及芹毋每
食數必備鮮鮮照寒俎於我已有餘放箸腹如鼓門斗
竊相笑天生菜園肚慣喫犒農飯稱作種田戶一笑謝
善禱吾豈如農圃頓頓此盤餐儻獲天長與何論老廣
文卿相吾不取

歲行已臘半歲事忙市廛吾亦念林廬擬遣兒還山悠
悠我之思上念父母阡東鄰與西舍渾室沸上元而我
墓祠下婦豆姑執遵為官令家榮象乃蕭蕭然此何不
得已苦要同食眠又以感山妻一子二十年無一回度
歲不在裙_音賈邊我生命已爾至今恨萬千何忍又似
我母子相挂牽獨處又幾何過正當來還惟憐關山路
僕僕風雪顏

僕僕去復來曰嗟念予子一生尠兄弟艱瘁焉得已猶
喜衣衾厚虐寒亦足恃憶我如汝長殘臘洞庭水孤身
將一舟雪奔武陵市囊空又禪薄冰牀擁鐵被思家在

何處終夜戰兩齒汝今誠慶幸寸步穩先擬從古行路
難幾人鍊術智男兒生世間終要慣行李去去健黃犢
期汝正月尾

歸告汝毋叔此來免灾咎飯勝家食半自奉亦略厚日
惟一冊書時或酒一斗腕傷雖餘痛舉作如右手全受
不全歸終為樂正疚吾官本求食知及麥秋否山中慎
料理用心到雞狗仲也勿好事事多口生垢季也勿怨
勞勞極天必祐好育一將魚更醅百經酒待歌歸去來
日日醉池首

縣學博李价人

維雋

同年饋歲

孤游何節序豐饋足家常細檢勞
邛嫂相憐視小郎芥
諸盛帽盃杔子入鐙囊一笑真難我
翻多廢置方

次東坡密州除夕韻

吹鐙讀韓集忽忽夜將半望古卷書聖
蒼茫起長歎歲
又蘭頭盡一絲不畱玩韓公如我年
博士亦頑敝才大
雖卑官德高已絕伴世人入長夜公若日
再旦猶然汲
汲志不捨敦敦按我今四十五向若何
由亂假令生並
世知不中供盥惟餘牙齒牢似勝匙抄
緩眼花鬢又白
於公若仍貫陳跡亦賤嗜懷強念已
慙吁嗟質難化豈
誠如洗炭來豈不有年待替返山館
敢期飽鯨鱸庶藉

炳燭暖朱顏與皓齒莽鹵一從粲

价人兩兒過謁

巳下辛亥

雪融江路滑泥澆肯同過媿我無雞黍其如二子何

客心

客心梅峴上一日去千回樹樹臨池照枝枝向墓開老
妻清晝倚稚女綵衣陪那識東雲外瓶花伴酒盃

穀日知元旦家舉孫女再用沐字韻

一笑遂稱翁顏厚不可沐兒生曾幾時事似隔晨浴嗟
我安不老肌膚豈得復初聞感於心繼念喜在腹似我
手誠難同我祿已足

戊日巳時星家謂之歸祿

平生寶三女次第知

去目端賴有替人何必非蔡玉已想問疴癢怡聲敬搔
沃牆為添青桑山與種黃竹三年秀午達一味分甘熟
長頭看渠抱側耳聽我讀人心苦不足得隴秣西矚我
輕公乘相亦淺懿氏卜却斬念聿修姍教不勞督

十五夜

人爭元夜樂吾亦大橋行月白三門水鐙紅八塊城山

山墳墓語寺寺鼓鐘鳴西望翻增感淒涼獨客情無水

乘下百里經三處險峽故得三門之名鎮遠治沿江一
街據巖足不可城向界八段門以坊可啟閉故舊稱八
塊城上元前後三夕城鄉
於墳前點燈黔俗皆然

腕傷將復聊短述

庚戌九月望柴翁左腕折是時方晨雨移桐視傭掘著
履指栽處下階齒忽蹶卷卧泥溝中但覺半體劣家人
扶而起不審中何骨搖之響如籜非斷即挫折傳以藥
使蘇夾之板防脫痛苦經一旬寢飯賴結髮余時又奉
檄矜佩教城闕昇去焉能已震掉豈得說俗云傷筋骨
瘥不百日越直以不治治弄投藥與楔果然距至今腫
散脈歸穴微微與右異稍稍終不別吁嗟老可憫百網
末由出人患與天刑靜思怨尤滅為冶足必烙為匠指
必血美潮死潮頭厭虎落虎舌善將樹下絕善騎板齒
裂禍福竟自召事異理可決山堂本童山十載樹成列

不知幾千株非候亦旋活豈知適心時已逼喪已節利
害相倚伏於茲悟根柢敬慎要不敗萬端墮昏忽

夜聽鄰兒讀

誦書誰氏子久聽為停盃誤句愁牆隔溪宵見課催父
兄心不少諷籀律難回即事嗟無補羞膺訓導來

讀小戴

太息當年力都消汎覽中老來心不已時過恨何窮久
誦增胸促多觀忽眼蒙曲臺勤問徑閒覺祖鄉通

驚蟄出游見櫻桃盡開

已見櫻桃發仍餐苜蓿鮮我從何日到記別菊花前去

國無千里辭山忽半年或應嘗野贈還試穎勻圓

念同兒將至

發日前正戒春游幼志驕遙知今夜月照爾宿偏橋江
靜寬吾慮天晴祝詰朝已禁三月過况隔一程遼

檢藏碑本見莫五昔為漢宜禾都尉李君碑考
釋並詩次其韻

少年嗜古心膽雄餘力頗喜歐趙風吾衰甚矣悔前好
十事九與無一功居恒每笑癡金石何異蓄藥聚馬通
於人於已了莫濟便詡精核將安庸宜禾之碑出眾錄
昔歲得本誇奇蹤影山老友愛不置慎考細詠亦太恭

我今破屋萃羣盜東出西入難為攻
無水歸來困暑飢
鬚霜滿鏡腰還癢模糊石墨滿階
僻誰肯更塞徑然胸
解衣脫襪聖溪柏但願屏翳驅
豐隆濁醪粗飯要常有
可免秫稻堆溝封偶拈此紙一讀
竟隔歲談舌懷阿戎
惛哉痼疾更勝我徒為翫物增
匆匆頭童儻得畢語孟
擾擾百家何足從
詩末云惜哉南鄭少釋跋費我十日
忘冬烘一生讀書儻竟爾但畢語孟
應頭
邇聞新獲漢安字天台廟刻來封龍
莫五近得漢
光和四年三
童
公山碑及封龍山頌頌洪峯未見者三公神廟在元
氏縣封龍山下榜云天台三公之廟見河朔訪古記
突
鶉奧牂出所名鉤覈想聖炎歆中百年歲月更有幾歎
息人壽難渠同呼兒首尾視蟬蛙徽濕亦賴微陽烘提

壺向晚下山去踏踏笑和騎牛童

夢硯齋歌為唐子方

樹義

方伯賦

并序

唐子方方伯之侍其尊公直圃先生令粵東也於
羊城買方硯一石側篆雪聲堂藏左側梁藥亭分
書巖野先生遺硯底有惠半農侍讀銘云鬱勃者
何忠義氣黯黯者何家國淚我為銘之永勿敷詳
欵題審所自鬻蓋明贈兵部尙書順德陳忠烈公
邦彥物也得硯時直圃先生解清遠任將啟行假
寐舟中夢古衣冠人入話臨去囑曰頃有遺物託
君家幸保之無負方伯因以夢硯名齋志尊公懋

孝之氣之相感而又自寓嚮往前哲無常變皆當
致身之意敬歷數十載由縣宰累官至布政湖北
所蒞不欺皆足與片石語故為歌之

二禺山色綠照船巖野託硯唐陽山子方使君田禾子
時適得視五羊市陽山先生捧而喜笑謂今持一硯矣
粵裝豈足貽子孫惟此可度湖亭水韻事傳來四十年
使君屬我歌一篇紅豆題鐫恨未見感時撫事吾潯然
使君公君不見當年巖野真孤忠書生未受一朝祿苦
與去運爭蒼穹不知禺珠縱獲利集生元子齊成功吳
楚內爭蜀秦黠屏王詎足興明宗丈夫但了溝壑志却

計利鈍非英雄妾辱子戮不回顧何有一硯闢其胸故
知夢贈豈無意要以忠孝相磨礱公家石公大儒匹

國朝晉吏稱第一世傳治譜到陽山使君乃盡旬宣術
此硯相隨又一時時有汙隆道無別各寫懷芳報國心
豈比才人景純筆即今歸守陽山墳巖野還應媿使君
太平臣子兩無負著述還看林下勤高齋聞廐東山麓
何日經過聖溪竹借公寶硯展蠻箋一仿蘭亭黃絹幅

方伯藏有米元章辛丑八月手裝褚河南臨蘭亭卷

過溪尾二首

手鑪隨意去仲宅得盤桓向榜西綠山從竹上寒一

壺溫小火獨酌對崇蘭下
背自晷靜吾心遂汝寬
聽讀鄰兒苦何時粗義知
起行視菘菹卒歲可無飢
愛
劇門前竹思安水會茨得
閒將送老頻到理晴絲

巢經巢詩集卷第九

重刻鄭子尹先生巢經巢詩集書後

咸豐乙卯春先生補荔波縣訓導過方村時自明已入學執弟子禮見面試詩文蒙許可即知有巢經巢詩集五月送考宿舍間與先君把酒論文夜深始罷命磨墨題二絕次日侍先生赴郡應試鮑穆堂督學取自明高等皆先生之教也試甫畢苗匪亂急謀歸而荔波狄匪亦亂自明扶老挈幼避之先生佐縣令蔣嘉穀辦軍事蔣勦賊遇害先生旋省縣城陷從此道梗書斷自明家被賊燬廢學從戎游保知縣需次廣西光緒丁亥張孝達制軍督兩廣調自明來東差遣遇先生長子知同在

幕府詢悉先生於同治甲子九月卒而先君於同治己巳八月卒細談家事相對潸焉詢後集詩稿無存歎恨不已不久知同亦故竟絕望矣今年三月黎受孫太守招飲壁間見先生墨搨肅然起敬太守始知自明即先生門下士亟問未刻詩稿太守幸寶而藏之因誦先生贈先君二絕以證太守出示稿本讀至宿方村楊秀才田舍二首覺當日師生父子歡聚一堂情景宛在迄今四十二年人事變遷不堪回首流離困苦惟我尙存展卷摩挲彌增惆悵欲鋟板苦無資適史潤甫直刺繼澤慨然捐廉以表彰先哲爲已任併刻前後集以廣流傳

太守喜自明尤喜先生有知亦當喜也潤甫之功大矣
遂書此以志之光緒丁酉五月門人荔波楊自明
光緒甲午四月表太舅黎蒨齋觀察以集經巢遺詩寄
令校訂謂懿於庭幃聞先外祖事行詳也懿受而讀之
其詩雖經受生表舅釐定而仍次序少有參差爰更爲
分卷按年編目然散佚已復不少壬癸兩年之詩存者
僅十餘首庚申以後概付飄零今者不述後亦無知之
矣按先外祖自王子以後山居日少時赴行省主唐子
方方伯家檄權仁懷廳學務不就以編纂播雅故也甲
寅楊龍喜寇遵義適選荔波教諭十一月遂挈眷之官

自平越與家人別令先往都勻隻身赴省垣領憑乙卯
正月至都勻先後痘殤長孫兒女僑寄月餘始往荔波
五閱月而狄苗亂作縣令蔣嘉穀病不能辦賊外祖募
練設關防禦乞援於南丹土知州莫樹棠已大破賊斬
馘甚眾賊逼城而游擊馬清傑堅促不出外祖知不可
與有爲又自無守土責乃棄官挈家走南丹經羅斛旋
省丙辰貴陽太守劉書年招致幕中欲更卜居東山之
邨不果遂還山丁巳遣舅氏伯更先生往就幕而已獨
居山中成輪輿私箋等書戊午在山中己未湄潭賊起
乃遊蜀依唐公鄂生南溪任所值亂又聞湄潭賊犯遵

義急趨歸而家人已徙正安繞南川入蜀抵南溪矣庚申探得之召歸遇於桐梓遂依老友趙旭僑居魁崖側數月乃還子午山辛酉壬戌主講湘川啟秀兩書院時曾文正公保薦人才詔以江蘇知縣補用因道梗不得出山癸亥移歸禹門山砦而喉疾作甲子九月而遂歿外祖生平大節已備名賢志狀小子何述焉惟行歷不詳無以言詩茲撮舉所聞以俟將來蒐補及箋譜者得有所依據云爾外孫趙懿謹述